

d) visokoškolske ustanove.

Član 4.

(Javni poziv)

- (1) Sredstva iz člana 1. ove Odluke dodjeljivat će se na osnovu podnesenih zahtjeva, a u skladu sa objavljenim javnim pozivom.
- (2) Javni poziv se objavljuje na web stranici Općine i ostaje otvoren tokom cijele godine, odnosno do utroška sredstava planiranih za ovu namjenu u Budžetu na stavkama:
 - a) podrška projektima predškolskih ustanova, osnovnih škola, srednjih škola i visokoškolskih ustanova za tekuće projekte i aktivnosti,
 - b) sportski susreti srednjih škola.
- (3) Zahtjevi za sufinansiranje dostavljaju se službi nadležnoj za oblast obrazovanja (u daljem tekstu: Služba) elektronskim putem, preporučeno putem pošte ili putem protokola.

Član 5.

(Potrebna dokumentacija)

Uz zahtjev potrebno je priložiti:

- a) projektni prijedlog sa jasnim opisom aktivnosti, ciljnih grupa, očekivanih rezultata, vremenskog perioda realizacije,
- b) budžet planiranog projekta,
- c) predračun (ukoliko je moguće obezbijediti),
- d) izvod iz godišnjeg programa rada.

Član 6.

(Kriteriji)

- (1) Kriteriji odabira projekata koji će biti finansirani/sufinansirani iz Budžeta su:
 - a) opis projekta,
 - b) cilj projekta,
 - c) opis projektnih aktivnosti,
 - d) ciljne grupe projekta,
 - e) rezultat i uticaj projekta (uključujući odgojno-obrazovne i socijalne efekte) su jasno definirani,
 - f) vremenski period realizacije projekta,
 - g) preporuka nadležnog ministarstva obrazovanja (ukoliko postoji);

Član 7.

(Sredstva)

- (1) Minimalan iznos sredstava koji se može dodijeliti za finansiranje projekta je 500,00 KM, a maksimalan ne može prelaziti iznos od 5.000,00 KM, odnosno 7.500,00 KM za podršku sportskim susretima.
- (2) Izuzetno od odredbi prethodnog stava, općinski načelnik na prijedlog Službe može donijeti odluku o dodjeli sredstava preko maksimalnog iznosa, ukoliko je to potrebno da bi se projekat u potpunosti realizovao.
- (3) U toku budžetske godine, jedna ustanova može samo jednom ostvariti pravo na podršku.

Član 8.

(Obrada zahtjeva i donošenje odluke)

- (1) Služba će u roku od 7 (sedam) dana od dana prijema zahtjeva utvrditi da li su ispunjeni uslovi za dodjelu sredstava, te obavijestiti podnosioca zahtjeva.
- (2) Sve zahtjeve obrađuje Služba i prijedlog odluke za finansiranje dostavlja općinskom načelniku na razmatranje.

(3) Obrazovni ustanovama koje nisu ispunile predviđene kriterije Služba će dostaviti obavijest.

(4) Konačnu odluku o dodjeli sredstava za podršku projektima i aktivnostima obrazovnih ustanova donosi općinski načelnik.

(5) Općinski načelnik će na osnovu odluke iz stava (4) ovog člana sa obrazovnim ustanovama zaključiti ugovor o finansiranju/sufinansiranju projekata.

Član 9.

(Prigovor)

- (1) Svaki podnosilac zahtjeva može podnijeti prigovor Komisiji za razmatranje prigovora u roku od 7 (sedam) dana od dana prijema obavijesti/odluke.
- (2) Komisiju imenuje općinski načelnik iz reda uposlenika.
- (3) Odluku o prigovoru Komisija donosi u istom roku od dana podnošenja istog.

Član 10.

(Pravdanje sredstava)

Korisnici sredstava obavezni su Službi dostaviti finansijski i narativni izvještaj sa dokumentacijom o namjenskom utrošku sredstava u roku od 30 (trideset) dana nakon realizacije planiranih aktivnosti, odnosno najkasnije do kraja kalednarske godine u kojoj su sredstva dodijeljena.

Član 11.

(Stupanje na snagu)

Ovaj Pravilnik stupa na snagu narednog dana od dana objavljivanja na oglasnoj ploči Općine, s tim da će se naknadno objaviti u "Službenim novinama Kantona Sarajevo".

Broj 13-11-1234/25

7. marta 2025. godine
Sarajevo

Općinski načelnik
Srđan Mandić, s. r.

Na osnovu člana 54. stav 3. Zakona o sportu ("Službene novine Kantona Sarajevo", broj 45/12 - Prečišćeni tekst i 36/21), člana 25. Statuta Općine Centar - Prečišćeni tekst ("Službene novine Kantona Sarajevo", broj 23/04, i člana 2. i 12. Odluke o ostvarivanju javnog interesa Općine Centar Sarajevo u oblasti sporta ("Službene novine Kantona Sarajevo", broj 11/02), općinski načelnik donosi

**IZMJENE I DOPUNE PRAVILNIKA
O ODREĐIVANJU KRITERIJA ZA DODJELJIVANJE
NAGRADA SPORTSKIM UDRUŽENJIMA SA
PODRUČJA OPĆINE CENTAR SARAJEVO ZA
OSTVARENE VRHUNSKJE SPORTSKE REZULTATE**

Član 1.

U Pravilniku o određivanju kriterija za dodjeljivanje nagrada sportskim udruženjima sa područja općine Centar Sarajevo za ostvarene vrhunske sportske rezultate član 6. mijenja se i glasi:

"Član 6.

- (1) Sredstva za nagrađivanje sportskih udruženja dodjeljuju na osnovu Javnog poziva i podnesenih zahtjeva po istom.
- (2) Zahtjeve iz stava (1) ovog člana podnose sportska udruženja na propisanom obrascu, a koji je sastavni dio Javnog poziva. Zahtjevi se podnose za rezultate ostvarene u prethodnoj godini.
- (3) Javni poziv se objavljuje na web stranici Općine, i ostaje otvoren 30 dana od dana objavljivanja.

- (4) Zahtjevi se dostavljaju službi nadležnoj za obrazovanje, društvene djelatnosti, kulturu i sport (u daljem tekstu: Služba) putem protokola Općine i putem pošte.
- (5) Pristigle prijave obrađuje Služba i na osnovu obrađenog materijala donosi i objavljuje preliminarnu listu nagrađenih sportskih udruženja.
- (6) Preliminarna rang lista objavljuje se na oglasnoj ploči i web stranici Općine Centar Sarajevo.
- (7) Na listu iz stava (6) ovog člana sportska udruženja mogu u roku od osam dana od dana objavljivanja iste, podnijeti pismeni prigovor Komisiji.
- (8) Komisiju iz stava (7) ovog člana imenuje Općinski načelnik iz reda državnih službenika.
- (9) Odluku o prigovoru, Komisija će donijeti u istom roku, računajući od dana njegovog podnošenja.
- (10) Nakon okončanog postupka prigovora Općinski načelnik donosi konačnu odluku, na osnovu koje se izrađuju Zaključci o raspodjeli sredstva.
- (11) Na osnovu Zaključaka iz stava (10) ovog člana nadležna služba za finansije vrši isplatu sredstva."

Član 2.

Ovaj Pravilnik stupa na snagu od dana objavljivanja na oglasnoj ploči Općine, a naknadno će se objaviti u "Službenim novinama Kantona Sarajevo".

Broj 13-11-1555/25

05. marta 2025. godine

Sarajevo

Općinski načelnik

Srđan Mandić, s. r.

OPĆINA ILIJAŠ

Općinsko vijeće

Na osnovu člana 23. tačka 2., člana 55. tačka 2. i člana 104. Statuta općine Ilijaš ("Službene novine Kantona Sarajevo", br. 20/09-prečišćeni tekst i 46/18), člana 90. Poslovnika Općinskog vijeća Ilijaš ("Službene novine Kantona Sarajevo", br. 19/22 i 16/23), a u vezi sa članom 3. Odluke o stipendiranju i nagrađivanju izuzetno nadarenih učenika i studenata ("Službene novine Kantona Sarajevo", broj 13/10), Općinsko vijeće Ilijaš, na svojoj 5. sjednici, održanoj dana 03.03.2025. godine donijelo je

PRAVILNIK

O IZMJENI PRAVILNIKA O STIPENDIRANJU I
NAGRAĐIVANJU IZUZETNO NADARENIH UČENIKA
I STUDENATA-PREČIŠĆENI TEKST

Član 1.

(Izmjena člana 12.)

U Pravilniku o stipendiranju i nagrađivanju izuzetno nadarenih učenika i studenata ("Službene novine Kantona Sarajevo", br. 2/16-prečišćeni tekst, 40/21, 50/22 i 43/23), član 12. se mijenja i glasi:

"Visina mjesečne stipendije iznosi:

- | | |
|---|-------------|
| a) za učenike u srednjim školama | 120.00 KM |
| b) za studente na visokoškolskim ustanovama | 180.00 KM." |

Član 2.

(Važenje neizmijenjenih odredbi)

Pravilnik o stipendiranju i nagrađivanju izuzetno nadarenih učenika i studenata ("Službene novine Kantona Sarajevo", br. 2/16-prečišćeni tekst, 40/21, 50/22 i 43/23) u ostalom dijelu ostaje neizmijenjen.

Član 3.

(Stupanje na snagu)

Pravilnik o izmjenama Pravilnika o stipendiranju i nagrađivanju izuzetno nadarenih učenika i studenata-prečišćeni tekst, stupa na snagu danom objavljivanja u "Službenim novinama Kantona Sarajevo".

Pravilnik o izmjenama Pravilnika o stipendiranju i nagrađivanju izuzetno nadarenih učenika i studenata-prečišćeni tekst, primjenjivat će se od 01.01.2025. godine.

Broj 01/1-02-412-12/2025

03. marta 2025. godine

Ilijaš

Predsjedavajući

Općinskog vijeća Ilijaš

Anel Bumbulović, s. r.

Na osnovu člana 23. i 55. Statuta općine Ilijaš ("Službene novine Kantona Sarajevo", br. 20/09-prečišćeni tekst i 46/18), člana 90. Poslovnika Općinskog vijeća Ilijaš ("Službene novine Kantona Sarajevo", br. 19/22 i 16/23) i člana 3. Odluke o stipendiranju učenika i studenata u stanju socijalne potrebe ("Službene novine Kantona Sarajevo", broj 33/09), Općinsko vijeće Ilijaš, na svojoj 5. sjednici održanoj 03.03.2025. godine, donijelo je

PRAVILNIK

O IZMJENI PRAVILNIKA O STIPENDIRANJU
UČENIKA I STUDENATA U STANJU SOCIJALNE
POTREBE - PREČIŠĆENI TEKST

Član 1.

(Izmjena člana 12.)

U Pravilniku o stipendiranju učenika i studenata u stanju socijalne potrebe, ("Službene novine Kantona Sarajevo", br. 2/16 - Prečišćeni tekst, 40/21, 50/22 i 43/23), član 12. se mijenja i glasi:

"Visina mjesečne stipendije iznosi:

- | | |
|---|-------------|
| a) za učenike u srednjim školama | 120,00 KM |
| b) za studente na visokoškolskim ustanovama | 180,00 KM." |

Član 2.

(Važenje neizmijenjenih odredbi)

Pravilnik o stipendiranju učenika i studenata u stanju socijalne potrebe, ("Službene novine Kantona Sarajevo", br. 2/16 - Prečišćeni tekst, 40/21, 50/22 i 43/23) u ostalom dijelu ostaje neizmijenjen.

Član 3.

(Stupanje na snagu)

Pravilnik o izmjeni Pravilnika o stipendiranju učenika i studenata u stanju socijalne potrebe-prečišćeni tekst, stupa na snagu danom objavljivanja u "Službenim novinama Kantona Sarajevo".

Pravilnik o izmjeni Pravilnika o stipendiranju učenika i studenata u stanju socijalne potrebe-prečišćeni tekst, primjenjivat će se od 01.01.2025. godine.

Broj 01/1-02-412-13/2025

03. marta 2025. godine

Ilijaš

Predsjedavajući

Općinskog vijeća Ilijaš

Anel Bumbulović, s. r.

Na osnovu člana 13. stav (2) Zakona o principima lokalne samouprave u Federaciji BiH ("Službene novine Federacije BiH", br. 49/06 i 51/09), člana 55. Statuta Općine Ilijaš ("Službene novine Kantona Sarajevo", br. 20/09 - Prečišćeni tekst i 46/18) i čl. 90 i 160. Poslovnika Općinskog vijeća Ilijaš